

**ՀԱՅԱՎԱԹԻ ԵՐԳԸ**

**ՆԱԽԵՐԳԱՆՔ**

Եթե հարցնեք՝ ո՞րտեղից են  
էս լեգենդներն ու զրույցներն  
Անտառների անուշ բույրով,  
Հովիտների շաղ ու մուժով,  
5 Վիզվամների ոլոր ծուխով,  
Մեծ գետերի սահանքներով,  
Նրանց անվերջ որոտումով  
Ու վայրենի արձագանքով,  
Ինչպես ամպրոպ սարերի մեջ.  
10 Ես ձեզ կասեմ, ձեզ կըպատմեմ:

Անտառներից, հովիտներից,  
Նորդլանդիայի մեծ լըճերից,  
Օջիբվայի խոր աշխարհից,  
Դակոտների վայրի երկրից,  
15 Ճահիճներից, ճախիններից,  
Ուր շուհ-շուհ-գան՝ արագիլը  
Կեր է փնտրում ճըլկուտներում,  
Կրկնում էմ ես էս զրույցներն

Անուշ երգիչ ու երաժիշտ  
20 Նավադահի պարզ երգերով:  
Եթե հարցնեք՝ ո՞ւր է գըտել  
էս երգերը Նավադահան,  
էսքան վայրի ու քըմահաճ.  
Ես ձեզ կասեմ, ձեզ կըպատմեմ:  
25 – Թռչունների բըների մեջ,  
Ջըրշունների խոռոչներում,  
Բիզոնների արտներում,  
Արծիվների բընավայրում.

Ճահիճներում, ճախիններում,  
30 Մելամաղձիկ թափառելով,  
Երգում էին նըրա համար  
Մանգը՝ բաղը, սագը՝ վավան,  
Եվ շուհ-շուհ-գան՝ արագիլը,  
Եվ կըտցարը՝ շիթովէյկը,  
35 Վայրի հավը՝ մուշկոդազան:

Եթե դարձյալ հարցմունք անեք՝  
Ո՞վ է հապա Նավադահան,  
Պատմի դու մեզ նըրա մասին.  
Ձեր հարցմունքին էս խոսքերով  
40 Կըտամ իսկույն ես պատասխան:  
– Թավազենթի պերճ հովիտում,  
Ճոխ մարգերի լըռուլթյան մեջ,  
Արծաթափայլ ջըրերի մոտ  
Ապրում էր վաղ Նավադահան:

- 45 Հընդիկ գյուղի շուրջը բոլոր  
Փըռվում էին հանդեր, արտեր,  
Ու կանգնած էր հին ծըմակը,  
Հին ծըմակը սոճիների,  
Ամռան՝ կանաչ, սոսափելով,  
50 Ձմռան՝ փայլուն ճերմակ ձյունով,  
Լիքը երգով, հառաչանքով:

- Հովիտն ի վար հոսում էին  
էն ջրերը արծաթափայլ,  
Գարնանը՝ խիտ եղեգնուտով,  
55 Ամռանն՝ երկար բարդու շարքով,  
Աշնանը՝ գորշ մեգի տակին,  
Ձըմռան՝ ճերմակ ավերի մեջ:  
Ու ապրում էր երգիչն էնտեղ,  
Թավազենթի պերճ հովիտում,  
60 Ճոխ մարգերի լըռության մեջ:

- էնտեղ երգեց նա էս երգը,  
Անուշ երգը Հայավաթի,  
Թե ինչպես նա ծնվեց, ապրեց,  
Ու ինչպես էր ճգնում, տանջվում,  
65 Քարոզում էր ու համոզում,  
Որ երջանիկ դարձնի մարդին,  
Որ բարձրացնի ժողովրդին:

- Ով սիրում է բընությունը  
Ու մարգերում լույսն արևի,  
70 Սիրուն սովերն անտառների,

Սիրում հովը տերևներում,  
Եվ անձրևը, և փոթորիկ,  
Եվ սահանքը մեծ գետերի,  
Եվ կայծակը սարերի մեջ,  
75 Թավուտներում սոճիների,  
Նա կըլսի էս զըրույցը,  
Ջքնաղ երգը Հայավաթի:

Ով սիրում է ժողովըրդի  
Լեզենդներն ու բալլադները,  
80 Որոնք, ինչպես հեռու ձայներ,  
Կանչում են, որ ականջ դնենք,  
Ու խոսում են պա՛րզ, մանկաբար,  
Որ հազիվ է մարդ որոշում՝  
Ե՞րզ է արդյոք թե պատմություն,  
85 Ականջ կանի նա հաճույքով  
էս հնդկական հին զըրույցին,  
Խաղաղ երգին Հայավաթի:

Նա, ում սիրտը թարմ է ու պարզ,  
Հավատում է Աստծուն, բնության,  
90 Հավատում է, որ հավիտյան  
Մարդկային է սիրտը մարդու.  
Որ վայրենի լանջի տակ էլ  
Մի անմեկին կյանքի համար  
Կան բաղձանքներ ու ձգտումներ.  
95 Որ խավարում խարխափելիս,  
Թույլ ձեռքերը անօգնական,  
Հանդիպելով Աստծո աջին,

Կյանք են առնում ու զորանում,  
Նա կըկարդա էս զըրույցը,  
100 էս պարզ երգը Հայավաթի:

Ով երբեմն իր շըրջակա  
Լուռ հանդերում թափառելիս  
Մի մոռացված շիրմի առջև  
Կանգ է առնում, միտք է անում  
105 Նրա կիսեղծ գըրի վըրա,  
Որ գրված է պարզ, անարվեստ,  
Սակայն որի ամեն խոսքը  
Լիքն է կյանքի, հանդերձյալի  
Անվերջ հույսով ու թախիծով,  
110 Նա կըկանգնի ու կըկարդա  
Խոր հնության արձանագիրը  
էս հին երգը Հայավաթի:

I

ԽԱՂԱՂՈՒԹՅԱՆ ՉԻՔՈՒԽԸ

Ու մեծ դաշտի լեռանց վըրա,  
Կարմիր ժայռի բարձունքներին,  
115 Նա, հըզորը, կյանքի տերը՝  
Գիտչի-Մանիստոն իջնելով,  
Կանգնեց շիտակ և ազգերին  
Ու ցեղերին կանչեց ի մի:

Նրա ոտքի տեղից բըխեց,  
120 Հոսեց մի գետ անդունդն ի վար,

Առավոտյան շողերի մեջ  
Շողշողալով ու ծոր տալով  
էն Իշկուղա-աստղի նրման:  
Ու խոնարհեց Ոգին երկրի,  
125 Աջով մարգում նրա համար  
Գծեց ոլոր մի ճանապարհ,  
– Գնա՛, ասավ, էս ընթացքով:

Ապա պոկեց իրեն ձեռքով  
Քարահանքից մի կտոր քար,  
130 Շինեց կարմիր չիբխի գլուխ  
Ու զարդարեց նկարներով:  
Գետի ափից եղեգն առավ  
Իր մութ կանաչ տերևներով  
Ու կոթ շինեց չիբխի համար,  
135 Լըցրեց ուռու չոր կեղևով,  
Կարմիր ուռու չոր կեղևով:  
Շընչեց մոտիկ մեծ անտառին,  
Ու ճյուղերը տըվավ իրար,  
Կըրակ հանեց, վառեց չիբուխն,  
140 Ու կանգնելով էն սարերին  
Գիտչի-Մանիտոն՝ հըզորը,  
Ծըխեց իրեն գալլումետը,  
Իբրև նշան ողջ ազգերին:

Ու ծուխն ելավ կամաց-կամաց  
145 Առավոտյան խաղաղ օդում,  
Առաջ ինչպես մըթին մի գիծ,  
Հետո կապույտ, խիտ գոլորշի,

Ապա ճերմակ ամպի նըման  
Բարձրանալո՛վ, բարձրանալո՛վ,  
150 Մինչև հասավ վեր երկընքին,  
Մինչև ցըրվեց վեր երկընքում  
Ու փաթաթեց շուրջն ամեն բան:

Թավազենթի դաշտավայրից,  
Վառմինգի հովիտներից,  
155 Տուսկալուզի ծըմակներից,  
Հեռո՛ւ, հեռո՛ւ ժեռ սարերից,  
Նորդլանդիայի լըճափերից  
Ազգերն ամեն նըկատեցին,  
Տեսան հեռվում բարձրանում է  
160 Խաղաղության շիբխի ծուխը:

Ու ազգերի մարգարեներն  
Ասին՝ տեսե՛ք, էն Պուկվանան  
Խաղաղության շիբխի ծուխն է,  
Որ թեքվում է ուռենու պես,  
165 Շարժվում կանչող ձեռքի նըման:  
Մե՛ծ, հեռավոր էն նըշանով  
Գիտչի-Մանիտոն՝ հըզորը,  
Կոչ է անում մարտիկներին  
Ողջ ազգերի ու ցեղերի:

170 Գետերն ի վեր հովիտներով  
Եկա՛ն, եկա՛ն, հավաքվեցին  
Մարտիկները ողջ ազգերի,  
Դելավարներն ու մոհոկները,

Զոտկոսներն ու կամանչները,  
175 Շոշոններն ու սեվոտները,  
Օմոհոններն ու պոները,  
Մանդաններն ու դակոտները,  
Հուրոներն ու օջիբվենները:  
Ճամփա ելան ողջ միասին  
180 Խաղաղության շիբսի ծրխի՝  
Գալլումետի ծրխի վըրա  
Դեպի սարերն էն մեծ դաշտի,  
Մեծ քարհանքի ժայռը կարմիր:

Ու գենքերով, զըրահներով,  
185 Նախշուն, ինչպես աշնան տերև,  
Ինչպես երկինք առավոտյան,  
էնտեղ, դաշտում, նրանք կանգնած  
Նայում են խեթ իրար վրա,  
Աչքերի մեջ ատելություն,  
190 Սըրտերի մեջ դարևոր քեն,  
Արյան ծարավ պապենական:

Գիտչի-Մանիտոն՝ հըզորը,  
Արարիչը մարդկանց ազգի,  
Նայեց նրանց կարեկցաբար:  
195 Իր հայրական սիրով նայեց  
Նրանց կըռվին ու պայքարին,  
Ինչպես իրեն անխելք ու խակ  
Մանուկների կըռվի վըրա:

Ու տարածեց իր աջ ձեռքը՝  
200 Մեղմի նրանց բընույթը կոշտ,

Մեղմի տապը, ծարավն անհագ  
Իրեն աջի հովանու տակ:  
Խոսեց խրոխտ ու վեհ ձայնով,  
էն ջրերի աղմուկի պես,  
205 Որ թնդում են խոր անդընդում,  
Խըրատելով, նախատելով  
էսպես խոսեց ազգերի հետ.

— Ո՛վ իմ որդիք, իմ հե՛զ որդիք,  
Ականջ դրրեք իմաստության,  
210 Ականջ դրրեք խրատներին  
Ձեր արարիչ, ձեր ստեղծող  
Հըզոր Ոգու շըրթունքներից:  
Տըվի ես ձեզ ամեն բարիք.  
Երկիր տըվի՝ որսի համար,  
215 Գետեր տըվի՝ ձուկ բըռնելու,  
Տըվի ձեզ արջ, տըվի բիզոն,  
Տըվի եղնիկ ու եղջերու,  
Տըվի ըսկյուռ, տըվի ջըրշուն  
Ու ճահիճներ լի հավքերով.  
220 Ինչո՞ւ գոհ չեք դուք տակավին,  
Ինչո՞ւ եք դուք որսում իրար:

Հոգնել եմ ես ձեր վեճերից,  
Ձեր արյունոտ կըռիվներից,  
Հոգնել եմ ձեր՝ սպանություն  
225 Ու վըրեժի աղոթքներից:  
Ձեր ուժն ամբողջ սիրո մեջ է,  
Ձեր կորուստը՝ կըռիվների.

Արդ ապրեցեք այսուհետև  
հաղաղ, սիրով, եղբոր նըման:

- 230 Ես կուղարկեմ մի մարգարե.  
Փրկիչ համայն ձեր ազգերի:  
Նա կաշխատի, կապրի ձեզ հետ,  
Կառաջնորդի, կըքարոզի:  
Եթե լրսեք նըրա խոսքին,  
235 Կըբազմանաք, կերջանկանաք,  
Իսկ թե թողնեք անուշագիր,  
Կընըվազեք ու կըկորչեք:

- Մըտեք այժմ էս գետի մեջ  
Ու լըվացեք ձեր դեմքերից  
240 Կըովի վայրի նըկարները  
Ու արյունը ձեր մատների:  
Թաղեք հողում ձեր զենքերը,  
Առեք կարմիր քարը հանքից  
Ու շինեցեք կարմիր քարից  
245 Խաղաղության շիբխի գլուխ.  
Եղեգն առեք եղեգնուտից,  
Զարդարեցեք փետուրներով,  
Ու ծըխեցեք ի միասին  
Խաղաղության շիբուխները,  
250 Ու ապրեցեք այսուհետև  
հաղաղ, սիրով, եղբոր նըման:

Ու ձըգեցին մարտիկները  
Շապիկները այծեմենի,

Զըրահները ռազմական,  
255 Մըտան գետը արագահոս,  
Ու լըվացին երեսներից  
Կովի վայրի զարդերն ամեն:  
Տիրոջ ոտքի տեղից հոսում.  
Զուրը վերից գալիս էր շինջ,  
260 Իսկ նրանցից ներքև պղտոր,  
Գնում էր մուխն, ապականված,  
Արյունախառն ու կարմրագույն:

Ու դուրս եկան մարտիկները  
Գետից հստակ ու մաքրված,  
265 Ու թաղեցին գետի ափին  
Իրենց զենքերը ռազմական:  
Գիտչի-Մանիտոն՝ հըզորը,  
Արարիչը ու Մեծ Ոգին  
Այն ժամանակ սիրով ժըպտաց  
270 Անօգնական զավակներին:

Ու մարտիկներն, ամենքը լուռ,  
Առան քարը մեծ քարհանքից,  
Եվ հղկեցին ու շինեցին  
Զիբուխները խաղաղության:  
275 Եղեգն առան գետի ափից,  
Զարդարեցին փետուրներով,  
Ապա դարձավ ամեն մեկը  
Իրեն տունը, հայրենիքը,  
Մինչդեռ Ոգին, կյանքի տերը,  
280 Վերանալով ամպերի մեջ,

*Սուզվեց, երկնի բաց դռներում,  
Խաղաղության շիբխի ծրխի՝  
Պուկվանայի ամպով պատած,  
Անհետացավ նրանց աչքից:*